

王國典禮序



客歲奉簡書來按兩河兩
河上游



王邸星分余檄所司一以往
例從事其非分請者輒令

檢故實以示用柅其望惟
是

王國卽有條例諸書而文移
旁午兼以

累朝之典或初興而繼廢或

減而未豐乍建或止中輟

或復所司不能舉其大凡

及抵會城以公事晤伯榮

宗正伯榮博雅君子也語

及藩國則成憲往牒靡所

不諳詢之曰美無似往會
謬纂

王國典禮一書未敢示人也
余借而讀之爲卷凡八爲
目凡三十冠以

明興

諸王擁節旄之重握精銳之
師鎮撫邦國徼巡邊陲詎
不甚重然不一再傳而龜
組雖故虎符已非矣一切

建社賦租之典不能不少
遼焉此豈展親之舉有減
于先朝漢帝有云我子豈
宜與先帝子等蓋不典則
不物匪禮則匪程而時有
節縮用酌厥中亦惟是訓
以義方弗卽慝淫已耳故
是書所載禮有其儀儀有
其等名位不同禮亦異數
議經歷朝斷由

列聖一被閱而典則有赫豈惟
屏翰龜鏡而凡厥有位將
按故實孰能去之抑不獨
故實之是稽也而防維與
存頃余行部溯衛源歷河
陽而駐洛中徘徊漣澗想
有周分建之盛焉當武周
列國八百而始之規畫王
城也南抗申息北跨邙鄘
皆同自鄩無譏而大國名

藩其食毛會不得望天子
之畿輔先王之遠計固自
有在也且營丘賜履則聊
攝以東姑尤以西曲阜卜
社則典物備策官司彝器
衛之會王東蒐唐之疆以
戎索然方軌百里未之有
加何也齊猶曰周之宗盟
異姓爲後而魯固武之同
母弟也於武有締造之勛

於成有夾輔之勞卽割海
內之多腴畀之誰曰不可
而塵塵若爾典禮故也况
聲明文物之飾征繕室廬
之末者哉是以我朝

列聖監古作則或離裏之愛或
友于之情上有特鍾下有
他覬不聞越典禮而創制
焉是非萬世

聖子

神孫所當奉以周旋無敢失隊
者哉傳曰禮也者其人之
坊與決坊弛維其何厭之
與有且余因是而有感焉
昔子政忠鯁爰在天祿子
建幽憤用求自試豈其以
天潢之裔而不獲與思皇
之彥宣力公家爲者况宗
人換授有條疎宗鄉舉與
選先今功令備具而振鷺

無聞搏鵬希覲何也余不
俟且拭目俟之矣

萬曆四十三年歲次乙卯

夏六月吉日

賜進士出身文林郎巡按河南

監察御史張至發頓首拜書



王國典禮序

高皇帝汎彼腥羶還我冠帶功隻
千古無庸敷賁爲已然豐沛
之後誰歟布衣崛起者乃睠
雍垠豈真荒漠以是言得統
之正必漢與

明而漢猶處輕焉况溺冠據洗
不事詩書者乎

高皇帝甫定江南即延致四先生
輦將議禮制度于是乎出故
干戈一寧典制大備豈若皇
帝之尊取快綿絕而止惟禮
止綿絕凡藝貽子土經緯闕
如床第娥姁却慮勿及又遑
掉七國之尾不爲子孫憂若
明有

成祖則天開之矣血胤相承壹戎
績緒非復七國之云而以輦

除所哆口周官何弗丹腹其
樸斲也端木氏日見禮知政
禮紛政龐統將若何統嗣

神考禮振前王潤色綢繆本支百
世由此言之漢不第輕故先
正謂夷狄不和親外戚不與
政論諫不殺言官三美政遠
軼前代而寔不盡于此其封
建

諸王也連城跨邑懲漢失策然
亦無宋齊之制于典籤歿身
絕蔭懲唐寡恩然更無趙宋

除所哆口周官何弗丹腹其
樸斲也端木氏曰見禮知政
禮紛政龐統將若何統嗣

神考禮振前王潤色綢繆本支百
世由此言之漢不第輕故先
正謂夷狄不和親外戚不與

政論諫不殺言官三美政遠
軼前代而寔不盡于此其封
建

諸王也連城跨邑懲漢失策然
亦無宋齊之制于典籤歿身
絕蔭懲唐寡恩然更無趙宋

三國史記
卷之九
之聚于京邑即五分食一四分食一後稍復然豈必瓜分之初逆計不億而四民嬉游自如六藝登巔在望矣左官之律今且通焉抑非

高皇帝指也他如吉凶五禮車服諸儀經緯有條纖悉畢具是非不斟酌

累朝而草昧經綸可勝心鉢要以毛裏所分精神必到維城磐石共迓麻嘉因以藝及皇天綿世永膺俾士食舊德農

服先疇商循族世工用高曾
高皇帝萬年一日之心固非曰漢
覩秦之失計而廣自爲樹厚
自爲藩也煌煌明備誰則奸
之或者曰是儀耳于百年後
與何居嗟乎此魯兩生所以
迂也夫其蹈以敬者內心不
可知而節以儀者外心所自
白故曰禮若亢鋸之柄而勒
駿防佚錙浸防滌三千其目
詎慎過而蔥昔周六官主法
儀禮主文表裏用之迄以滋

大季葉已替而伯父伯舅之
國相與盟會饗獻猶得考制
衷度以植國紀而禦外侮其
在今日則一恬而習焉如印
之與塗而大僭竊小驕慢已
枉釁而無府辜矣使必百年
後興恐漢不逮文景有先七
國起者叔孫先一絕不猶脩
暎之土龍耶而即

高皇帝方冊所布垂

列聖道德所翔洽鐸濠不乃敗類
亦惟佞焉昭制靡思蠢迪檢

三國典禮
卷之六
六
押耳請再以漢事明之博學
聚書善屬文好賓客喜黃老
誰如淮南安楚王英而卒踣
氏殄世何也詩曰不愆不忘
率由舊章又曰民之質矣日
用飲食故衣租食稅而外壹

惟奉

高皇帝所議所制淑慎厥躬而帶
礪自效于太平之日者亦靖
共矣宗卿伯榮氏爲彙輯而
類析于篇固通今者考鏡之
林亦展親者會通之藉然力

勤而思遠矣漢之向歆雖極
諫外戚而嘗談黃白雖克承
家學而嘗爲國師何若

西亭先生咀經毅行貽厥伯榮
伯榮復以秉禮績文再世祭
酒宗彥四星如綺伯榮父子
遂足當之憶先司空填撫中
州時每與

西亭先生以文字結契而不佞
勸謬轄藩垣更敦世好所稱
言有壇宇行有坊表恐不直
汴上潢派爲罕其儕此編出

而果有以怵肥腸滿腦之思
峻鮮衣怒馬之習也封疆之
吏亦職有利哉敬爲序而傳
之

萬曆乙卯七月旣望

賜進士出身通奉大夫河南布政
司右布政使前奉

勅提督學校陝西按察司副使禮
部儀制司郎中琅邪臧爾勸
撰



王國典禮序

明興

周定王以仁厚開國麟趾振振

不詩禮之派獨盛於

恭靖伯榮宗正恭靖以齋之源

淵流永代胥聞以莫大父曰
豈翁公者與獻吉受蕃而令
君鹵亭公游於于麟元美之
間伯榮氏光昭其業聲復藉
畏余響往伯榮獲以司理屏

封把臂論交踰五季所習莫
以温而栗其學博而核其位
本嚴而不苟願遠達猷未可
測以涯涘唯見傳經談藝公
族多所彬彬而化焉季來

周藩頗稱多事委曲密移俾內
不褻國體死不違詰司旋潰
旋收伯榮之力責可誣之暇
則漱百家之芳潤以垂不朽
其多亡慮數十種王國典禮
其一云我
朝衆建懿親典隆往代

今巨勢相建子竟雲渥於曩時卒
之意不勝禮

一以豈有愛責蓋意溢而制以度

數爲禮禮行而徵諸文獻矣
典不典不禮將奚用之故禮
者養也君子既得莫養又好
其辨國家有澁之長胥賴之
矣余嘗私計伯榮其校春似
漢中壘其麗藻如陳思王或
者謂其抱周召之畧格於今
不獲展鎔

明廷匡時弼主之恩徒托以典禮
嗚是不然夫禮禁未然之前

法施已然之後法之所爲用
奢易見而禮之所爲禁者難
知藉使漢景時齊宗姬如伯
榮著典禮以防王國將晁鎔
系又發大難之端亞夫系又

堅吳楚之壁而七國與長沙
同漢室以終始可之詩曰懷
德維寧宗子維城伯榮其各
令懷德以壯維城厥功亦既
偉矣豈又歷金門巨壘堂登

三事九列而後爲伯榮重耶
憶甲寅之夏直指古淄張公
入境驄馬與登陸

王輦並進衛源其時

福藩隨封心徒藉彈壓以不譁

亡何中涓心奇事

孝陵直指必疑而問於伯榮伯榮

曰是情浮於分

先定王肖像

二聖於藩耶

文皇帝昭書以撤之

先王至孝

成祖至仁相愛以禮正其相成以
孝即於母弟之親猶用是以
凜凜之其他條對類是直指

再徵文獻亦因以是集示直
指喜謂諸司曰辨分定志繫
禮是賴烏可不傳直指公心
伯榮之心故莫佐玄宴亦伯
榮之名聞於天巨舊矣余待

罪大梁洛起殺青以故論著
如此

賜同進士山京兵部職方清吏司
主事通家友弟關中王弘祖
頰嘗拜撰



王國典禮目錄

卷之一

聖訓

附御製

玉牒

附宗人府職掌

講讀

冠禮

卷之二

婚禮

爵秩

冠服

宮室

卷之三

儀仗

祿米

附養贍

口糧

卷之四

田地

祀禮

社稷

風雲雷雨山川

宗廟 旗纛

之國

五祀

日月薄蝕

元旦 長至

壽誕

錫命

迎節

迎曆

諭使

迎節

卷之五

慶祝

附表箋

更定表箋式

進貢

入覲

附宣召

朝儀

接夷

途謁

奏事

附驛傳

賚賞

宴饗

附大樂

樂章

卷之六

喪禮

附諭祭

墳塋

事例

親王封典

郡王封典 請封生母

請改封典 稽查奏勅

查革冒封 報生 名封 奏請期
限 選婚 附選繼 內助 選妾
庶人婚嫁 擅婚 寄養子女
花生傳生

卷之七

管理 附另城

宗學 附開科

獎勵 附恩賜 特典 賜書 請乞

懲戒 附禁典 罪宗 城禁 越關
點押 刑律

卷之八

秩官 附諭輔 俸給 黜陟 內官

儀賓 附王親

兵衛 附民校 民厨 米布

倉庾 附義倉

支鹽 附買辦

諱禁

王國典禮目錄終

王國典禮凡例七則

一

祖訓乃

高皇帝所以垂憲萬世者

累朝熙洽之後較之經綸草昧時勢既異即不

必一一舉行而勸諭大指固千古如新也

敬備書之以揭率由之準

一是編所採曰

祖訓曰實錄曰會典曰集禮而條例諸書則其

三國典禮
一
縑也非令甲所載不以溷焉

一 是書爲款三十總其綱也款中各有細目卽附其後以備類檢

一 各款皆錄前書原文不敢增減至變例與新議雖不係正文而可參證本類者則以小字附之後云

一 藩王名不書全字遵時禁也覽者自辨

周王及始祖鎮平王名諱不書以美周宗法當尊所自出

一 皇明典禮定自建文然近多行之則國章也故亦採錄

一 事例先後予奪不一今各照列朝次序紀錄庶因革瞭然而遵守者亦不難取衷矣

一 各款後美不揣溝壑輒贅數言則臆見

及之耳千慮之一何裨

廟社然于展親之典奉藩之誼小有補苴其宗
臣之芹曝乎而或別有揚摧且不敢著于

篇

王國典禮凡例終

王國典禮卷之一

奉

勅督理宗學 周府宗正勤美編集

聖訓 附御製

凡自古親王居國其樂甚於天子何以見之
冠服宮室車馬儀仗亞於天子而自奉豐
厚政務亦簡若能謹守藩輔之禮不作非
為樂莫大焉至如天子總攬萬幾晚眠早
起勞心焦思唯憂天下之難治此親王所

以樂於天子也

凡古王侯妄窺大位者無不自取滅亡或連及朝廷俱廢蓋王與天子本是至親或因自不守分或因姦人異謀自家不和外人窺覷英雄乘此得志所以傾朝廷而累已身也若朝廷之失固有此禍若王之失亦有此禍當各守祖宗成法勿失親親之義

祖訓

太祖遣

諸王往臨濠謁

陵墓因諭之曰世稱商高宗周成王爲賢君者汝知之乎高宗舊勞於外知民疾苦成王早聞無逸之訓知稼穡之艱難故其在位不敢暇逸能修勤儉之政爲商周令主今汝諸子生於富貴未涉艱難人情習於宴安必生驕惰况汝他日皆有家有國不可不戒今使汝等於旁近郡縣遊覽山川經歷田野因道途之險易以知鞍馬之勤勞

觀小民之生業以知衣食之艱難察民情
之好惡以知風俗之美惡卽

祖宗陵墓之所訪求父老問吾起兵渡江時事
識之於心以知吾創業之不易也於是命
中書擇官輔導以行

上退朝還宮

諸王侍

上指宮中隙地謂之曰此非不可起亭館臺榭
爲遊觀之所今但令內使種蔬誠不忍傷
民之財勞民之力耳昔商紂崇飾宮室不
恤人民天下怨之身死國亡漢文帝欲作
露臺而惜百金之費當時民安國富夫奢
儉不同治亂懸判爾等當記吾言常存警
戒

上諭省臺臣曰朕諸子日知務學必擇端謹文
學之臣兼宮僚之職日與之居講說經史
蓄養德性博通古今庶可以承藉國家之
重但人之相與氣習易移與正人處則日

習於正如行康衢自不爲偏岐所惑若與
邪人處則日習於邪如由曲徑往而不返
不覺入荆棘中矣省臣對曰知人最難邪
正亦未易辨

上曰尊德樂義斯爲正也便佞褻慢斯爲邪也
故驕奢淫佚鮮不由於褻慢而端莊中正
必皆本於好德

諸王侍

上顧謂之曰汝等聞修德進賢之道乎對曰每
聞儒臣講說其畧矣未領其要

上曰藻率雜佩爲身之容恭遜溫良爲德之容
見於外者可以知其內也古之君子趨蹌
有節升降有數周旋跬步而不違於矩度
者由其德充於內而著乎外也所以器識
高明而善道日臻惡行不見而邪僻益遠
已德旣修而自然足以服人賢者彙進而
不肖者自去能修德進賢則天下國家未
有不治不知務此者鮮不取敗夫貨財聲

色爲戕德之斧斤讒佞諂諛乃妬賢之荆棘當拒之如虎狼畏之如蛇虺苟溺於嗜好則必爲其所陷矣汝等其慎之

上訓

諸王曰昔有道之君皆身勤政事心存生民所以能保守天下至其子孫廢棄厥德色荒於內禽荒於外政教不修禮樂崩弛則天棄於上民離於下遂失其天下國家爲吾子孫者當取法於古之聖帝哲王兢兢業業日慎一日鑒彼荒淫勿蹈其轍可以長享富貴矣

上諭

諸王曰吾持身謹行汝輩所親見吾平日無優伶暫近之狎無酣歌夜飲之娛正宮無自縱之權妃嬪無寵幸之昵或有浮詞之婦察其言非卽加詰責故各自修飭無有妬忌至若朝廷政事稽於衆論參決可否惟善是從或燕閒之際一人之言尤必加

審故言無偏聽政無阿私每旦星存而出
日入而休慮患防危如履淵冰苟非有疾
不敢怠惰以此自持猶恐不及故與爾等
言之使知持守之道

命博士孔克仁等授

諸王經

上諭之曰人有精金必求良冶而範之有美玉
必求良工而琢之至於子弟有美質不求
明師教之豈愛子弟不如金玉耶蓋師所
以模範學者使之成器因其材力各俾造
就朕諸子將有國家之責教之之道當以
正心爲本心正則萬事皆理矣苟導之不
以其正爲衆欲所攻其害不可勝言卿等
宜輔以實學毋徒以文士記誦詞章而已
上召孔克仁等賜坐因曰昨到鍾山令侍御僕
從先往中有一小僮亦前趨記其姓名今
日召至以示諸子曰此小僮與爾等年相
若已能奔走服役爾曹不可恃年幼怠惰

不學當朝夕勤勵可也朕之意惟恐其居
富貴耽逸樂耳克仁對曰

陛下此言卽無逸之戒也

吳元年八月丙寅

上祀山川畢出齋次頒胙於群臣將還宮顧謂
諸子曰人情貴則必驕逸則忘勞聖人所
以戒盈滿而謹怠荒夫貴而不驕逸而知
勞智周萬物心體衆情斯爲人上之道故
天道下濟而歲功成人道克敏而德業著
歷觀古往取法於上而治化於下者皆由
於此今國家初定民始息肩汝能知其勞
乎能諳人情則不至驕惰今甲士中夜而
起扈從至此皆未食汝可步歸諳勞逸他
日不至驕惰諸子趨出衛士聞之莫不感
悅

上賜書

秦王爽曰關內之民自元氏失政以來不勝
其弊及吾平定天下又有轉輸之勞西至

於涼州北至於寧夏南至於河州民未休息予甚憫焉今爾之國若宮室已完其餘不急之役宜悉緩之勿重勞力

上諭

晉王岡曰太原之民困於元氏弊政久矣又嘗出力餽餼以供我師勤勞憔悴吾未嘗不矜憐之爾岡之國務愛養生息勿復以不急之役擾之其體吾意

吳元年冬

上念七子漸長宜習勞令內侍製麻履行滕凡出城稍遠馬行十七步十三

洪武實錄

永樂三年

上賜書

諸王曰履霜堅冰至孔子釋之曰其所由來者漸矣由辨之不早辨也故凡事慮於未萌則有益諭於已然則無及我

皇考太祖皇帝創業垂統爲子孫帝王萬世之計惟欲本支各盡其道朝廷篤於親親藩

國重於守法朝廷之紀綱明正親藩不齟齬於其間藩國之禮節不踰朝廷不苛責於其上恩不至於掩義義不至於傷恩宗社永有磐石之安親藩同享無疆之福此皇考立法之意亦吾繼述之意而諸弟姪之意亦皆然也吾常思之朝廷不能篤親親之道是不孝於

祖宗不友於兄弟不慈於子姪棄仁背義咎孰大焉昔建文常蹈此失矣吾卽位以來切戒此閒居之際教詔子孫亦惟在重骨肉手足之恩不可爲非禮苛責之事言出乎口心通乎天地鬼神蓋吾躬嘗奉藩豈有不能身體其事哉夫爲藩國者亦當體朝廷之心而亮其誠天下之事至繁一人之精力有限智識豈能悉周區畫豈能悉當若吾一家兄弟子姪骨肉之親於吾所行有未至亦宜以情相恕比代寧秦晉永興高平平陽諸王不亮吾心稍不順意內

懷怏怏或聽小人教誘爲非甚者形諸怨
謗魘鎮所爲不智不仁固少年寡學之過
吾恐傷同氣一皆容忍不問然此特私恩
耳爲君之道必正公義而後有以服天下
况法度者

皇考之法度吾嗣位而不能守之又何以服天
下之心故雖不可虧親親之私恩亦不敢
廢天下之公義夙夜思之事有兩難欲直
言其過使之圖改則恐傷恩欲隱忍不言

將來積過愈深理不得容是陷之於罪也
至此非惟吾心不能自安天下之人亦謂
吾徒能愛之不能教之養成其過故皆直
言以戒之矣雖未能必其不逆于心若有
亮吾之意信而從之他日德成名立享其
安榮與國家同久豈不兩盡其美哉茲特
遣書陳布悃欵繼今之後吾惟常念親親
之恩勿替諸弟姪亦惟常念

皇考之法具在各盡其道共保富貴豈有涯哉

吾之所言天地鬼神鑒臨在上惟宗國諸
王亮之亮之

永樂實錄

附

御製

太祖勅

晉恭王

世之有血氣者未嘗不以飲食爲命在常
人則常之在人上者於飲食必重其事而
精調之庶無患矣然飲食固爲人立命其
飲食非操饎者亦不能成其饎矣若欲美
而不傷非精調者不可前者命爾之國聞
道中忽責操饎者吾甚驚之且吾氣雄而
志壯率群英平禍亂未會姑息凡人有犯
輕重必使各得其所所以然惟操饎者小過
釋之大過詳審而議之若非犯分則又赦
之果犯分則罪而棄之弗用若罪而復用
之則禍矣蓋爲保命之要也故不輕易爾
知吾操饎者否止一徐興祖者操吾饎二

十有三年輕易不辱之吾平昔甚不忍於
事於操饜切記恐之保命也爾當蹈吾所
爲勿輕易吉哉

成祖賜

周憲王純孝歌

朕聞至孝足以動天地感鬼神匹夫匹婦
一念誠切金石可貫豚魚可孚載之方策
信不誣也矧於死生之際所處尤難古今
孝子欲代父死者幾何人哉建文用讒者
誣搆爾父逮爾父子至京備極苦辱有嫩
不忍父之無辜遂自承伏言父不知狀以
死自期畧無怖色建文由是寘爾雲南窮
困萬狀終無悔辭茲非能處死生之際庶
幾古人之至孝也歟朕遵古道惇明信義
匹夫匹婦尚褒顯之况爾朕之猶子骨肉
至親志行純誠造次不易其言顛沛不改
其義死生存亡不懼其志富貴貧賤無幾
微動於顏色流離道路羈囚瘴癘克全爾

生至有今日實由爾父慈子孝天地鬼神
護相之也是用作歌以釋爾心以詔來世
歌曰維我

皇考建樹宗藩鞏固基圖實行實安我有令弟
分封于周帶礪河山永孚于休孝友之道
稱于考妣人無間言以及兄弟建文嗣位
信彼憐人讒言勃興構弟于屯父子羈累
家邦蕩析欲誣以法陷之大逆維爾嫡長
孔孝且仁篤愛其親弗顧其身陳詞懇訴
爲父釋紲言意弗通孰不爾憐父旣貶斥
爾益興嗟蠻烟瘴霧各竄天涯有若編氓
囚辱奴隸見者歔歔聞者出涕衣不掩體
通食穴墻幽憂連歲艱苦備嘗天運循環
過眼倏忽善惡之報纖毫不忒我亦遇難
奉天舉兵拯爾沉淪宗社之靈遣使南來
歸爾萬里父子相見驚乎悲喜彙倫載叙
骨肉重歡俯仰天地永矢弗諼天報爾忱
捷於響影我表爾孝著之歌詠會參閔損

名教所稱爾則效之聿駿有聲效法古人
儀範

太祖永奠宗藩光華海宇

成祖賜

魯靖王詩

昔我

皇考定疆理分茅胙土封諸子維持

宗社萬年安世世相承永無已爾父承

命居魯邦兗州之野氣厚龐生爾有德賢且良

雍容文雅恭以莊妙年惟以善爲樂稟性

溫淳况資學講明理道慎修飭遵倣禮法

遠佻薄昨者迎我濟水濱周旋進退儀彬

彬別來念爾不少置夢中見爾宛若真我

思骨肉本同氣視爾猶予情意均見爾操

履謹以循我心慰悅逾歡忻東平河間古

所稱期爾舉躡相等倫非徒我心忻以悅

亦足上慰

皇祖在天之聖神錫以福永無極子子孫孫保

邦國河山帶礪作維城益勵精志懋修德
龜蒙鳧嶧高崔嵬翠屏千仞凌雲開善聲
揚著永不泐屹立宇宙同悠哉

英宗與

襄憲王書

侄皇帝御名奉書

叔父襄王殿下

承諭具悉

尊意所以惡景諱之僭分而喜侄之復位
及曩嘗有陳言慰安二章初未曾達

皇太后所蓋爲景諱之所蔽匿也今已於景諱
宮中檢而得之侄親覽之再三深見
叔父忠愛之誠發於謹論抑邪扶正防微杜
漸無非爲

宗廟

社稷計推

叔父之心卽周公之心而此二章亦卽金縢
之書之比也

皇太后聞之感嘆不已承昇祥雲捧日王帶謹

已領訖

叔父云欲親行朝覲本不敢煩遠來第
先帝同氣至親惟

叔父而宗室至賢亦惟

叔父於情於誼不可不重欲得一見以篤親
親今遣太監夏時齎捧勅符及書迎請卽
時氣候清和

叔父宜從容就道宮眷世子郡王宜留藩邸
其合從行之人亦隨

尊意帶竚俟其至惟

叔父亮之

皇帝書致

叔父襄王 朕念

叔父爲國家至親雅有賢譽宜享優游之樂
每歲秋冬之間若府中從容閒暇可出城
遊賞三五次或世子郡王出遊亦可玩覽
山水獵取禽獸于以舒暢襟懷怡悅情性
庶表朕篤於親親之意專書以達惟

叔父亮之

璽書賜

潘王者

駁矣此二札爲

特恩故錄

峴山賦

予

叔父分王于襄襄多名山大川而峴山爲最
峴山去城十里其名稱蓋以晉羊祜而著
夫

叔父之德不減羊祜羊祜之位不及
叔父是山也將因

叔父而愈著矣因爲之作峴山賦其辭曰
昔闢混沌開鴻濛塊然於下者爲后土穹
然於上者爲太空而其渣滓融結或汗或
窪有盤礴而培塿有蔓衍而從龍斯其名
山大川所以遍吾九有叢吾八荒也乃若
方城之陽漢水之將有峴山兮屹立亘數
里兮蒼蒼其嵯峨嶺雖不足壓乎天下
而規模形勝寔有以冠乎湖襄何以見其
然也彼崒然於東狀如蛟螭之翬繆者非
百丈乎岷然於西狀如虎豹之躩踞者非

萬山乎前峙白馬其騰驤起伏儼乎振鬣
而矜鞍也左屹鳳嶺其翩翩軒翥儼乎錦
翻而雲翰也是數山也森羅其左右拱揖
其前後莫不澌澌乎爭竒轟轟乎獻秀斯
寔漢沔之紀綱群山之領袖也觀夫神龍
變化飛騰九重山出雲兮獵獵紛到處兮
相從于焉雨下土清悒悒其所以五穀勃
兮懔懔衆卉鬱兮茸茸蓋莫非茲山之功
若其扶輿之所毓蜿蜒之所鍾有榱楠兮
杞梓與古栢兮長松時乎明堂之建清廟
之營于焉陸來國用以充或爲璇題兮轟
日或爲雲櫺兮倚空如是者豈徒形勝之
可詫而其澤民利國亦有被於無窮予有
感於是山矣方其洪水滔天四海茫然所
以奠之者古神禹也及其戎夷亂華赤子
龍蛇所以定之者予

祖宗也今其被冕而裳垂旒而王國於茲山之
陽者予

叔父也微神禹奠於前兮夫孰能成此疆宇
也微

祖宗定於後兮予

叔父又安得王乎斯土也於戲彼其萬鳥騰
音千華獻嫵紅紫爛兮盈眸笙歌沸兮溢
耳至於霜染千林雪封萬壑炫錦繡兮如
描堆瑤瑤兮如削景物逸四時而可嘉兮
予

叔父蓋無乎不樂嘗聞之矣享其樂者思以
保其樂食其功者思以報其功大哉神禹
皇皇

祖宗奠茲峴山德盛功崇億千萬載奚其可忘
惟厥德之不爽乃無忝於斯封庶同休乎
媲美與茲山兮無窮乃歌曰於皇

祖宗混八方兮裂土而封命同姓兮維予

叔父王于襄兮襄多山川甲諸邦兮有巍者
峴尤其望兮維彼峴山禹所荒兮垂千萬
年歸我

祖宗考

祖宗之德既不可以爽兮神禹之功亦奚其可
忘兮賢哉

叔父德日章兮作邦作對燁有光兮保茲河
山樂無央兮子孫孫子其永無疆兮

漢水賦

考之圖書漢水出嶓冢山東流與江合詩
云漢之廣矣者也予

叔父封國寔在於此蓋襄城非此江無以爲
壯觀古人所以有方城漢水之稱予

祖宗舉以王予

叔父豈偶然哉因爲之作漢水賦其辭曰

維湖襄之爲國也西控梁蜀南包臨沮据
吳會之上流壓平楚之千里古蓋號之爲
金城而亦擬之以天府考形勝於四方兮
蓋鮮同乎斯土乃若滔滔浮浮循城而下
源晶淼其無涯派澗漫其莫禦是名之曰
漢水兮寔有以壯湖襄於千古予嘗觀之

矣彼巍巍嶓冢屹立金天儲積潦於四時
滴萬斛之淵泉一旦山靈晝呵鬼斧夜劈
摧列岫之巘岈撼半空之霹靂是非漢水
之發源者乎若乃闕如虎哮駛若牛奔噴
日薄月排乾拍坤由小別而大別浩渺渺
兮無垠是非漢水之流派者乎夫其源發
嶓冢派衍大別泓瀦渟深沖澗濶滲故其
亘百里兮逶迤洞無底兮不竭固難航之
以一篙兮亦不可方之以一筏也想夫是
江也當其烟開霧霽天朗氣清微風不作
纖波不興斯時則如練斯淨如掌斯平湛
遙空兮一色恍銅鏡兮磨青及乎長風駕
濤陰雲四塞忽洶湧兮澎湃擁銀關兮千
尺斯時則鼉鼉出沒蛟龍掀舞觀之者神
驚卽之者魄悸是蓋所瀦者深所來者遠
故其陰晴變態歛不可以測覩也粵予又
聞其景槩矣彼其越香巴錦萬艦千艘帆
兮騫舉櫓兮吶嘍羌醜酒兮臨風乞靈枯

兮江侯此富商巨賈北去而南遊者也若夫紛疑笳亂疊鼓駐畫鷁兮桅檣續棼棼兮上下放棹歌兮中流念王事兮靡盬此蒞官奉使而往來於此者也又若戴雨笠披風簑森萬葉之輕舟凌千頃之烟波得魚沽酒竝艇而歌或叫天兮嗚嗚或起舞兮婆婆是又吾民之業乎竿綸而樂乎時和者也若其士女之遊敖臨居之鱗比朝莫之竒觀四時之佳致欲一一以鋪張斯筆言之莫旣吁嗟漢江寔南國之紀也非彼有德曷能王於斯土也作邦作對是宜在我

叔父也何以見其然也惟彼漢水有安其流惟予

叔父其心休休維彼漢水百折朝宗維予叔父其心與同維彼漢水其大有容維予叔父湖海溶溶維彼漢水莫此南邦維予叔父休有烈光大哉漢水賢哉

叔父願萬壽兮無期永奠安乎斯所因泚筆
而成章用寫予之衷素乃歌曰漢江滔滔
出蟠冢兮偉茲巨浸壯南邦兮萬有千里
流無窮兮透透迤迤志必東兮於戲漢水
殆與天地同始終兮

襄陽四景歌

春景歌

襄陽見說佳山水形勝由來擅竒美漢水
迢遙天際來峴山突兀雲中起天然景致
生光輝况逢四海承平時一旦陽和回宇
宙無端淑氣藹郊圻江山富貴春光好景
物熙熙民皞皞氣通泉脉潤菑田暖入燒
痕生綠草三陽交泰際芳辰天時物候俱
可人習家池水凍已解鹿門烟樹色皆新
倏然又屆中和節桃李花開梅正結大隄
隄上風日妍陣陣香風泛香雪清明上巳
景更濃鶯啼燕語韶華中漢濱士女競游
衍應知被化同周風此時此景兩臻極天

下名邦皆莫及分茅胙土豈尋常爲翰爲
蕃賴宗室顧惟

叔父宗之英卓爾不群和且平對時撫景爲
育物仁心兩地同流行幾回南顧重翹首
料得高懷望北斗適情細繪槎頭鱸洽歡
蒲泛宜城酒山川信美人更賢賢者樂此
誠宜然千乘封疆佳麗地况當紅紫艷陽
天河間禮樂東平善高誼清風今再見方
寸恒教生意存等閑識得東風面特作長
詞寫所懷因風寄遠興悠哉眷言藩府臻
多慶永鎮坤維壽域開

夏景歌

顥穹宰物敷元化四運居然成代謝韶華
結局斗旋杓轉盼流光涉長夏夏日舒長
未易過魯陽何用頻揮戈縱知化國民多
逸群生長養須南訛江漢古來稱重鎮藩
封况復當名郡山川映帶摠瓌竒草木霑
濡盡芳潤無窮風景峴山亭亭前數點峯

巒青新葉滿林驚綠暗驕陽入戶延朱明
鶯老枝頭慵不語紫陌將雛燕初乳浩蕩
時來舶趁風廉纖已結梅肥雨麥浪低翻
荷蓋舒秧針遍插盈新畝白水分流經大
漢青松駕壑臨長渠祝融鞭笞火龍吼焰
焰晴空疑炙手解慍何當理舜絃蔭暘還
思道傍柳柳陰高處鳴玄蟬葵榴向日花
欲然北窻一枕羲皇上金猊火冷銷殘烟
賢王此日多清賞臺榭虛明隔塵鞅瑤階瑩
澈水晶簾水簟淨涵雲毋帳迢迢轉覺心
神怡高閣沉沉晝漏遲蒲貯寒瓜薦蒼玉
細分雪藕飛銀絲有時宴處思端默一念
憂民更憂國坐移槐影過空庭日斜猶未
離重席天南天北遙相望驂龍恨不隨騰
驤願祈遐壽等嵩嶽千年海宇同無疆

秋景歌

化機默運摧寒燠急景相仍如轉轂乍見
昏中大火流羲輪忽已馳西陸清商應律

金尚柔白帝司衡連蓐收朝來一雨洗殘
暑碧天淡淡雲悠悠漢南此日風光好井
梧葉落驚秋早地臨赤社更增崇峴首峨
峨接晴昊灑氣浮空漸次寥青蘋渡口起
鮮飈閱歲松杉猶蒼鬱望秋蒲柳先蕭條
飛螢草際流踈影華月騰輝星耿耿廣庭
清露滴高槐越苧生涼湘簟冷渚蓮紅褪
啼殘粧巖頭桂子飄天香九日菊繁微冒
雨一林楓老暗經霜多情最是梁間燕
別空巢更留戀萬山深處列層巒一水淨
來拖匹練放船釣取槎頭鱖剝沽白酒寧
論錢父老相從謾傾倒酒酣擊壤歌豐年
年豐萬頃登禾黍夜靜千家響砧杵川原
縈繞驪驪橋屢屋幘幘冠蓋里懷哉

叔父天一方感時無奈憐秋光紫宸朝下獨
凝竚聯翩鴈陣時南翔欲寄新吟憑鴈足
風緊雲橫還斷續便應遣使報平安四牡
駢駢去何速驅馳孔道當回旋遙想心居

魏闕邊永保皇圖垂鞏固本支百世常綿
延

冬景歌

江空木落天氣凝四時迭運功已成深宮
燕息懷遠道忽念南土襄陽城襄陽四序
景皆美每到冬來益竒偉碧玉堆成峴首
山清泉注作檀溪水水落寒潭露淺沙千
林葉落骨槎牙茫茫遠漢飛寒鴈渺渺平
田噪晚鴉去藏屈候純陰月橘綠橙黃好
時節城市千家愛日暄樓臺萬瓦新霜結
一陽生處葭飛灰雪花散亂梅花開鹿門
山下行吟客冒冷尋香日幾迴歲律崢嶸
忽云暮土牛不出寒不去漢水東流風北
吹神女弄珠波上渡月窮于紀星回天不
周風動物蠢然已迎猫虎勞農事還調鷹
犬獵平原平原廣澤幾千里車馬無聲羽
旄美邦君遙望舉欣欣與民同樂非爲已
賢王此際豫且康心與萬物同歛藏靜觀物

理體玄牝掩身齋戒安天常喜此時平歲
多獲容貌津津似丹渥寸心不逐時序遷
萬事無如爲善樂爲善之樂樂無倫天宇
泰定光日新嘉祥止止虛室白一腔生意
先回春予每因時景賢範况復年華又將
晏願言珍重勉加食永與國家爲屏翰

臣勤美曰

高皇帝肇造區夏規模弘遠賢賢親親每並重
焉故封建

諸王首製

祖訓及昭鑒等錄頒示

藩邸不啻日星

列聖相承燕貽汗渙所稱聖謨洋洋嘉言孔彰
孰踰是者書又有之今民將在砥適乃文
考紹聞衣德言非嗣世維藩者所宜廩廩
者乎故取

聖訓冠之篇首而

累朝御製昭寵王國情靡闕也因附其後